



Nuuk 20. November 2018
UKA2018/61
Pele Broberg Partii Naleraq

**Apeqquteqaat aallavigalugu oqallinnissamik ingerlateqatigiiffit akileraarutaannik
appaaratarsinnaanermik siunnersuut.**

(Inatsisartuni ilaasortaq Jens Napātōk', Partii Naleraq)

Siullermeernera

Partii Naleqqamit siunnersuuteqartoq Jens Napātōk, qutsaviginiarparput oqallissaarummut tapersersukkatsinnik.

Oqaluttuarisaaanerput utimut qiviaraanni malunnarpoq Kalaallit Nunaat immikkullarissumik inissisimasoq.

Nunasiaatitut kinaassuseqarnani inuiaqatigiittut ineriertorneq, inuiaqatigiit allat assiginngeqisaanik pisarpoq. Nunarsuarmioqataaneq annikinneq nunasiaateqartorlu kisiat niuernikkut, aningaasatigut allarpassuatigullu isumalluutigalugu ikkattumik eqqarsarneq nunatsinni kisiat takussaanngilaq.

Nammineersinnaaneq inuiaqatigiit iluminni upperisariaqarpaat, naak tamanna isumaqanngitsaq nunatut mattulluni ingerlatsineq.

Ilaatigut ineriertorniaraanni akuerisassat ilarivaat nunatut inissisimaneq. Tassani Kalaallit Nunaat nunat siuarsarniakkat ilaattut inissisimanera pigaaruteqarpoq.

Qallunaatut "Uland" oqaaseq "underudviklet land" atorneqartarnikuulluni maannakkut "udviklingsland" atorneqartarpoq. Nunat siuarsagassatut nalilikkat nikeraqaat, minnerunngitsumik aningaasarsiornikkut nikittoqarsinnaanera najoqqutaasarmat.

Assassorluni tunisassiorneq aammalu nioqqutissiat suliarivallaarnagit avammut tunisassiorneq tunngaviusumik nunat siuarsagassatut nalilerneqartarnerannut aamma tunngavisseeqataasarput. Naak nunatsinni aalisakkanik tunisassiorfiit aammalu kiguppanniat kilisaatit tunisassiorfiillu atortorissaaleraluinnartut, suli nunatsinni nalittorsaalluni tunisassiusarneq atugaanngilaq. Pisiniarfinnut piareerlugit avammut tunisassiornerput nunani allani pisarpoq, kiguppaappat qaleraliuppat.

Qanoruna makku atasut ullumikkut oqaluuserisassatsinnut?

Kalaallit Nunaata nunarsuarmioqataanissa politikkikkut sullisiiginissa pingarnerit ilarivaat, taamaasinngikkutta tamatigut Danmark kisiat isumalluutigalugu kinaassuseqarata ingerlanissarput aarlerinarmat.

Kalaallit Nunaat ullumikkut suli aalisakkanik USA-mut niuernissamut ujartuinikuunngilaq. Aalborg aammalu Danmarki qasseriarluni taaneqartarnerpoq aqqusaaqqaarlugit niuertariaqarneq upuararlugu.

Kisianni kinaassuseqarnata taamatut niuerneq ullumikkut paasinarpooq. Inatsisitigut, oqaatsisigut aammalu pisortani allaffissornikkut inissisimaneq tunngavigalugu



Ullumikkut ineriarnermut pingaaruteqarpoq suliffeqarfiiit nunarsuarmioqataallutik orniginarsarlugit aningaasaliinissamut aammalu nutanik pilersitsinissamut periarfissiinissaq.

Tassani ingerlatsitseqatigiiffit akileraartarnerat pingaaruteqarluinnartut akornanni inissisimavoq. Ullumikkulli nunatsinni inatsisit ukiorpassuarni tulluussaerneqarsimannginnerat aammalu nunarsuarmioqataanermut nalimmassarsimannginnerat ersereerpoq.

OECD innersuussutaat malillugit transferpricing imminut akilersinnaannginnera anguniarlugu iliuusereusaat oqallisiaarpot.

Tamakkuli iliuuseqarfinginarutsigit inatsit kalluaattut uku ilarivaat:

Aningaasarsianit akileraarutit pillugit Inatsisartut inatsisaat nr. 12, 2. november 2006-imeersoq, kapitali 6, §60

Akileraaruserinermik ingerlatsineq pillugu Inatsisartut inatsisaat nr. 11, 2. november 2006-imeersoq, kapitali 7, §40.

Ullumikkummi ingerlatsiviit 31,8% iluani 7% kisiat landskarsimut tuttarput. Sinneri kommuninut ingerlateqqinneqartarlutik.

Allanguuut Partii Naleqqami takorluugarput tassaavoq unammilleqatigiinneq nukitorsarniarlugu tamakkiisumik taanna landskarsimut nakkartittalernissaa. Landskarsimut nakkernerani iertitassat 7%-imiit 15%-imut qaffaaneq akerlianik landskarsip sulisut ilanngaataanut (landsskat) 10%-imiit 8%-imut apparsinnaaneranik kinguneqartinnissaa takorloorlugu.

Ukiorpassuarni kommunit "DUT"-ertarnerat aningaasatigut aamma ingerlanneqartarnerat kiffaanngissuseqarnermut innariisutut isigaarpot.

Taamaammat inatsisartuni aaliangiussaasinaasut ilarisaat una, kommunit susassaqarnerannit kalluaakkunnaarnissaanik kissaatigaarpot.

Qiviaannartigu ukioq manna kinguartittariaqarsimavoq aningaasaqarnermut inatsisisap akuerineqarnera, kommuninut soorunami kalluaattoq.

Siunnersuut manna aningaasartalernerani aamma ilarisinnaakuttoorpaat qulakkeernissaa kilisaassuit nalikillisaavigisinhaasaat piffissap sivitsornera. Ilumoorsinnaava angallateeeqqap milliuunerpassuarnik naleqanngikkaluaq ukiut nalikillisaavigineqarnera kilisaassuarmut 400 milliuunit pallillugit akilimmuit?

Periarfissat amerlaqaat, alloriarnerit siullit ilarivaat ingerlatsiviit akileraarutaat appassallugit. Nunatsinni suliffit amerlatsinniassammata. Soorlu inatsisini arlalinni takugipput suliffit nutaat periarfissikkivut. Aamma ingerlatsiviit pioreersut iluamik piniartigit.

Taamatut oqaasertalerlugu Partii Naleqqamit oqallisissiatut siunnersuut oqaasertalerusupparput.